

Siti nurbaya

Datuk maringgih :

Denai nan banamo datuak maringgih
Urang kayo sakuliliang muaro
Urang bakuaso di gunungang padangko
Kok bajalan batingkah langkah jo tungkeknyo
Kok makan mancapak capak bunyinyo
Badan den karempiang sampilik kariang
Gigi den sumbiang baun den ariang
Sia yang dak tau je den!
Denai nan banamo datuak maringgih

Dubalang :

Datuak... ooo datuak...

datuak maringgih rang kayo gadang
Jarang mandi baun kapindiang...
Bari ampun kami dek datuk

Maringgih :

Wakden ang kecekan baun kapindiang,
Bia den mandi sakali sahari
Bia 11 12 den ko baun batupek basi
Bini den ampek ka tambah beko ciek lai

Dubalang :

Datuk maringgih urang kayo gadang
Denga lah dek datuak kaba nan kami sampaikan
Kok yo dulu datuak tampek urang mautang-utang
Balimpah-limpah bungo pitih nan datuak jadikan
Namun bantuaknyo datuak
kini urang lah mancalik rangkayo baru di kampuango
Urangnyo elok pamurah jo pambaso
Kironyo datuak elok-eloklah ka bakeh inyo.

Rangkayo banamo bagindo sulaiman
Tingganyo antaro batang harau jo bukik lantik
Nan bakadai rami di tengah pasa
Ayah dek siti nurbaya
Gadiah rancak si bungo kampuang
Lakunyo elok, utaknyo santiang
Jikok di calik-calik bana,
Jikok di inok diranuangi,
Jadi ka nan ampek dek datuak mantap juo.

Maringgih :

Denai nan bagala rang kayo gadang
Indak ado lawan sakuliliang di gununag padang
Tampek baharok urang manyalang sakampung
Tampek bahutang-hutang dalam iduik nan sadang sansaro

Kok ado nanlabiah pado denai
Usah sampai urang pandai bapaliang
Patik bungo api ka kadainyo
Calik-calikan sakuliliang
Jan sampai ado pulo nyawo nan malayang
Lai mangarati ang makasuik den?

Dubalang:

Datuak maringgih urang bakuaso
Paham kami apo nan datuk makasuik kiniko
Danga sajo dek datuak beko barito,
Kok dak api nan majala di dalam kadainyo
Kok paralu diantaan sakik ka badannyo buliah sansaro,
Tanang dek datuak maringgih rangkayo di kampung nanko

.....

(peralihan... ligaran masuk,, kemudian terjadi kerusuhan, karena ada kebakaran di dalam pasar.

Dubalang : bagindo sulaiman... bagindoo...
(bagindo keluar rumah)
kadai bagindo tabaka, lah anguih sadonyoo...

Sulaiman : astagfirullah....

(dendang)

Adekan bagindo sedang bermurung, dan datang datuk maringgih memberikan bantuan dan pinjaman,

Sulaiman :

Datuak maringgih rang kayo gadang
Urang tanamo sakaliliang muaro
Caliaklah diri denai nan sadang sansaro
Malang iduik timpo batimpo
Sabana sansai raso di badan

Galeh den anguih kadai manjadi arang
Modal habih pambaia hutang
Sadang iduik dalam paratian
Anak surang indak bamandeh,
Iduik jo denai marasai pulo
Jikoknyo ado hati dek datuak kiniko,
Pinjamkan denai agak modal usaho.
Buliah kok rasaki di badan nan malang
Untuang pambangkik batang nan tarandam.

maringgih :

usah bagindo basusah hati
usah di ratoki parasaian
roda padati sadang baputa
tibo di bawah lah karam pulo dek kubangan,
sansai bana tibo di badan
malang bana ka bakeh tuan

densalangkan pitih mamulai modal tuan
diagaih senggat wakatu 3 bulan
jan sampai tuan lalaikan

maringgih:

bagindo sulaiman rang tanamo
sia nan dak tau ka bakeh tuan.
Urang babudi di langik padang
Rang babaun di ranah muaro

Namunnyo baitu,
Mujua tak dapek diraiiah,
Malang tibo sakijok mato
Habih harato dek api nan manjala

sabana malang tibo dibadan
Galeh tabantang tak bajua bali,
Jankan arok mandapek untuang
Dak balabo modal abih dimakan,

Tapi samantangpun bak kian
Hutang tetap jadikan hutang
Nan bungo tetap lah bajalan
Usah lamo2 bana malunasan
Indak kayu janjang di kapiang
baia hutang bagindo buliah nak sanang

Sulaiman:

Datuak maringgih rang kayo tanamo
Bari ampun denai dek datuak
Lah bausaho denai cari pambaianyo
Namun dek untuang alun balabo
Jikok buliah pintak jo pinto
Tambahkan kami wakatu saminggu duo minggu ko
Dangalah pintak den sakali ko

Maringgih :

Bagindo sulaiman rang nan malang
Usah bagindo manjadi baban
Jikok indak tabaia hutang nan sadang batanguangkan
Den cubo agiah caro ka bagindo surang

Bagindo iduik jo anak pamato hati
Nan surang tungga babeleang
Siupiak iyo si buyuang iyo
Gadiah rancak si bungo kambang
Gadiah banamo siti nurbaya

Jikok namuah bagindo lapeh dari baban hutang
Jadikan denai minantu dek bagindo
Buliah sanang siti dek iduik
Buliah lapeh pulo hutang dan di tangguangkan
Baa dek bagindo kiro-kiro

Sulaiman :

Usah datuak basampai hati
Paja ketek baru kagadang
Mudo matah urang namokan,
Alun jaleh baa iduik nan tajadi
Tolong pikiakan ka bakeh tuan

Siti saroman anak dek datuak surang
Nan ketek dulu di buai-buai
Diagah-agah katiko marauang
kami-kasuah baibo hati
Dek siti ketek di tingga mati dek mandehnyo

Kini sampai hati datuak mamintak inyo
Dek ulah denai nan bahutang
Sabana licik sipaik jo parangai

Maringgih :

Jikok barek hati bagindo maiyokan,
Elok diranuang-ranuang bana apo nan ka tajadi
Jan sampai basarang pulo di dalam panjaro
Ka sia siti tampek inyo beko baiyo.

Siti :

Ayah kanduang sibiran tulang
Lah den rasokan iduik parasaian
Lah den danga apo nan sadang ayah jadikan baban
Sajak ketek ayah manggadangkan kami
Denai Diayun didendangi
Ayah gadangkan denai jo kasiah sayang

Alun lai tabaleh jaso ayah

Namunno baitu dek ayah,
Denai sabagai anak alun baguno
Lah patuikpulo mambaleh jaso
Dek baban iduik samakin manjadi
Eloknyo den cubo maringani
Kok bisa salasi hutang ayah ke datuak maringgih
Kok maringgih bakandak pulo ka diri denai
Lapehkan sajo denai dek ayah
Suntiangkan lah denai ka maringgih dek ayah kandung
....

Sketsa :

BARALEK

SITI MEMUTUSKAN HUBUNGAN DENGAN SAMSUL BAHRI

Samsul bahri :

sampai hati siti maninggakan denai ?
lah panjang usaho den tampuah di rantau untuak cito-cito kito
kini lah tau sajo denai siti lah manjadi anakdaro Maringgih Rang gaek nan banyak bini itu?
Apo lai sehat kau siti ?
apo indak ado caro lain untuak manyalasian hutang piutang bagindo ?

siti :

usah di ungkik hutang ayah den kini
beliau lah maningga sasudah den di pasuntiang datuak,
bianyo nak tanang di pusaro, lapeh juo dari masalah iduik2nyo di dunia ko
kini den indak ado tampek den baiyo,
keputusan ko denai nan piliah surang,
bia nak den tampuah baa iduik parasaan.

Samsul bahri:

denai tau siti tapaso,
pikiakan bana baa jalan iduik nanpanjang
kito cari jalan kaluanyo.
Kito paralu bukik barisan kito rambah mambalahnyo
Kok iyo lauik padang kito subarang basamo2

Siti :

usah tuan bapituah juo
tinggakan sajo denai,

Maringgih :

Mambuek malu den sajo kau!
Awak alah jadi anakdaro urang
Masih juo basobok jo bujang tangguang

Kurang sanang apo kau dak den bari?
Ameh den suntiangkan
Salendang batanun den lakekkan.
Tapi lanteh angan kau manjadi jadi
Mambuek malu den dimuko rang baradaik.
Sabana cilako kau manjadi bini

Siti :

Datuak maringgih rang kayo gadang,
Usah den di jua jo harato jo pitih.
Sado nan lakek iko pakurehan den,
Sadang datuk abih hari mampakayo diri,
Lanteh bana muncuang datuak manyabuik cilako ka bakeh denai.

Sajak dulu datuak tau baa kandak denai
Satitipun dak ado cinto den ka bakeh datuak
Dek licik datuk mamintak denai,
Ditengah-tengah bansaik ayah den datuak bakandak
Kok dak den pikian baa iduik ayah den dek datuak
Haram den nio datuak nikahi.!

Maringgih :

Sabana lantam muncuang kau manjadi
Kok indak dek den,
lah di baok mati hutang dek sulaiman ayah kau itu
tolong kau ingek ka hutang budi
indak ka bisa kau mambalehi.

den mintakpun kau ka jadi bini
paruik kau kanyang, kau baameh bapariasan
tak kurang ciekpun den barikan
tapi dek kau dak tau di untuang
namuah bakumpua jo bujang nan alun jaleh padok iduiknyo lai
indak kaau tenggang baa perasaan
indak kau pikia baa kecek urang kampuang

siti :

kini jaleh se den sabuik ka bakeh datuak
lapehkan denai, buliah den dak sangsaro
sajak ayah den lah tidao
indak ado den tampek baiyo,
kok lapeh pulo baban den di rumh ko
bia den usahokan apo nan jadi pajuangan di iduikko
(siti meninggalkan datuak)

Maringgih :
Dubalang!

Dubadalng :
Kami datuak?

Maringgih :
Lah bakandak pulo nak nyo indak ka sangsaro
Daripado aden pulo nan jadi parasaan
Agiah kandak ka siti nurbaya
Buliah nak batamu jo ayahnyo di pusaro

Dubalang :
Makasui kny o datuak?

Maringgih :
Bunuah siti, jan sampai rang kampuang tau

Dubalang pergi
Siti masuk

Dubalang : uni siti, sajak tadi bamanuang sajo, iko kami baokan lamang untuk siti, baru tadi lewat kami bali, sedang angek2nyo uni
Dubalang : kami latakkan disiko yo uni, jan ditunggu dingin lamangnyo uni, makan agak sagetek dulu, sakik uni beko,
Siti : mokasi uda,
Siti memakan lemang...

Dubalang mengintip :
Dubalang : yo lapa siti nampak e mah
Dubalang : tapi kok alun ado nampak keracunan e tu ?
Dubalang: emng di lamang yang ma baagiah tu
Dubalang : ee.. dak lo takana di sabalah ma nyo raso wak nan diateh
Siti berdiri,,, dan racun mulai beraksi, dan siti meniggal

Dubalang ; oik... lah mati.. mati e aa..
Maringgih :
Bamain api tabaka, bamain aia kuyuik,
Bamain jo datuak maringgih mati,

Kabakan urang sakampuang, sabuik siti mati dek bunuh diri.